



Broj:09-20-11-2-2303-II/22

Datum: 15.04. 2025.godine

Na osnovu člana 43. i 45. stav (2) i (3) Zakona o unutrašnjim poslovima Federacije Bosne i Hercegovine (Službene novine Federacije BiH broj: 81/14), člana 25., 69. i 70. Zakona o javnim nabavkama BiH (Službeni glasnik BiH broj: 39/14, 59/22 i 50/24), i prijedloga Komisije za provođenje otvorenih postupaka nabavki za 2022. godinu, v.d. direktora Federalne uprave policije, d o n o s i:

ODLUKU

o poništenju postupka Javne nabavke novih službenih motornih vozila za LOT 5 – Nabavka putničkog motornog vozila niže srednje klase minimalno 60 KW

1. Poništava se postupak Javne nabavke novih službenih motornih vozila za LOT 5 – Nabavka putničkog motornog vozila niže srednje klase minimalno 60 KW, iz razloga što je jedini ponuđač čija je ponuda za navedenu nabavku ocijenjena kao prihvatljiva odustao od potpisivanja ugovora.
2. Ovom Odlukom stavlja se van snage Odluka o izboru najpovoljnijeg ponuđača broj: 09-20-11-2-2303-II/22 od 08.04.2025.godine za postupak Javne nabavke novih službenih motornih vozila za LOT 5 – Nabavka putničkog motornog vozila niže srednje klase minimalno 60 KW, kojom je Ugovor dodijeljen ponuđaču Lada Auto d.o.o. Banja Luka, prema Ponudi broj: 1167/22 od 07.11.2022.godine, po ukupnoj cijeni u iznosu od 25.640,00 KM bez PDV-a.
3. Ova Odluka objavit će se na web stranici Federalne uprave policije www.fup.gov.ba u skladu sa članom 70. Stav (6) Zakona o javnim nabavkama ("Službeni glasnik BiH, broj: 39/14, 59/22 i 50/24).
4. Ova Odluka stupa na snagu danom donošenja.
5. Za izvršenje Odluke zadužuje se Sektor za finansije i javne nabavke.

OBRAZLOŽENJE

Federalna uprava policije je provela postupak Javne nabavke novih službenih motornih vozila koji je pokrenut Odlukom o pokretanju postupka javne nabavke broj: 09-20-11-2-2303 od 21.09.2022.godine, prema Obavještenju o nabavci broj: 1412-1-1-225-3-119/22, objavljenom u "Službenom glasniku BiH" broj: 66/22, dana 30.09.2022. godine u odnosu na koji je donesena Presuda Suda BiH broj: S1 3 U 045420 23 U od 05.03.2025.godine.

Procijenjena vrijednost Javne nabavke novih službenih motornih vozila za LOT 5 - Nabavka putničkog motornog vozila niže srednje klase minimalno 60 KW iznosi 25.641,02 KM bez PDV-a.

U navedenom postupku, ugovorni organ je na prijedlog Komisije u odnosu na jedinu prihvatljivu ponudu donio Odluku o izboru najpovoljnijeg ponuđača broj: 09-20-11-2-2303-II/22 oo 08.04.2025.godine, kojom je Ugovor dodijeljen ponuđaču Lada Auto d.o.o. Banja Luka, prema Ponudi broj: 1167/22 od 07.11.2022.godine, po ukupnoj cijeni u iznosu od 25.640,00 KM bez PDV-a.

Nakon donošenja navedene odluke, ugovorni organ je od ponuđača Lada Auto d.o.o. Banja Luka aktom broj: 257/25 od 09.04.2025. godine informisan da zbog proteka dosta vremena od predaje ponude u kojem periodu su cijene naglo porasle, kao i zbog isteka perioda važnosti njihove ponude, ne mogu prihvatiti zaključenje ugovora za LOT 5 - Nabavka putničkog motornog vozila niže srednje klase minimalno 60 KW po cijenama iz njihove Ponude broj: 1167/22 od 07.11.2022.godine.

Obzirom da je jedini ponuđač čija je ponuda za navedenu nabavku ocijenjena kao prihvatljiva odustao od potpisivanja ugovora, Komisija je u skladu sa članom 69. stav (3). ZJN BiH, predložila da se poništi postupak navedene nabavke, te stavi van snage Odluka o izboru najpovoljnijeg ponuđača u postupku Javne nabavke novih službenih motornih vozila za LOT 5 – Nabavka putničkog motornog vozila niže srednje klase minimalno 60 KW broj: 09-20-11-2-2303-II/22 od 08.04.2025.godine, što je konstatovala u Zapisniku o radu komisije od 15.04.2025.godine.

Razmatrajući prijedlog Komisije, v.d. direktora Federalne uprave policije donosi Odluku kao u dispozitivu.

Pravna pouka:

Protiv ove Odluke može se podnijeti žalba ugovornom organu, Federalnoj upravi policije Sarajevo, u roku od 10 (deset) dana od dana prijema ove Odluke.

Dostaviti:

- Sektor za finansije i javne nabavke
- Ponuđaču
- u spis

24 V.D. DIREKTOR-7
(Načelnik SKP-a)
GLAVNI INSPEKTOR

Vahidin Munjić